

Epicedion exequiis pie  
defuncto puerulo Jonæ  
Hermelino, filiolo  
ampliss. el...

Mollerus, Arvidus Christiani,

*1 Ic 1694 Hermelin, Jonas*



National Library  
of Sweden

Epicedion Exequiis  
Pie defuncto Puerulo

# Jonæ Hermelino,

Filiolo ampliff. Eloq. Professoris  
**OLAVI HERMELINI,**  
Dorpati in Templo D. Mariæ die  
17. Decemb. Anni 1694.

solutis,  
rapitiffimè erectum

*Arvido<sup>ab</sup> Mollero.*




---

Dorpati excudit Johannes Brendeken.





**E**Rgo lethali tetigit sagitta  
Parvulum vitæ spoliator atrox,  
Antequam præcox potuit videre  
Vivere quid sit.

Vix enim lustro superesse quivit,  
Pallidus qui nunc jacet in feretro,  
Fila sed Clotho voluit tenellæ  
Rumpere vitæ.

Haud



Haud secus flores nitido colore  
Svaviter fulgent riguis in hortis,  
Et statim marcent simulac fecatur  
Caulis eorum;

Aut ferus quando Boreas furentem  
Excitat ventum, viduat decoris  
Hos comis: Et sic decus omne tráfit,  
Quo rutilabant.

Tempus ast vitæ tenero puello,  
Arctius justo fuit hoc in orbe  
Nempe quo posset citius beatum  
Scandere cælum.

Hinc

Hinc licet tradat tumulanda nigræ  
Ossa telluri, tamen absq; fine  
Spiritus cæli canit in theatro  
Jubila plaudens.

Ergo quos fatum premit hoc iniquū,  
Atq; qui gnati celerem doletis  
Hinc fugam, luctus, lacrimas, atq;  
Mittite curas.

